



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Praefatio.

urn:nbn:de:hbz:466:1-15967

ANNO CHRISTI 884. nes papa hac de causa se Neapolim contulit: sed frustra. Quare dum in Vrbem rediisset, hac Synodo ibidem congregata, anathematis sententiam in eum tulit, eamque per epistolam circularem 270. episopis circumpositis omnibus insinuauit. Cumque excommunicatus Athanasius pro absolutione non semel institisset, pontifex ab eo saepius delusus nullam ipsi fidem adhibendam esse putauit, nisi primum Saracenis ab ipso necatis vel captis, poenitentiae certa signa edidisset. Quod ut illi constaret, Marinum episcopum cum epistola 294. ad eudem Athanasium scripta huius rei causa alegauit. Vide Baroniū anno 881. numero i. & sequentibus.

Marinus ad Athanasiū umble-gatus.

CONCILIVM APVD S. MACRAM.

SYNODVS QVÆ FVIT ACTA APVD sanctam Macram, in loco qui dicitur Finibus Rhenensis parochiæ, tempore Ludouici regis, filii Ludouici Caroli filii, die iv. Nonas Apriles, anno Christi DCCCXXCI. Ioannis papæ VIII. anno ix. Ludouici eiusdem regis anno xi.

TITVL CI CAPITVLORVM.

- I. *Quod distinctæ sint potestas regia & auctoritas pontificum.*
- II. *Increpatio torporis & negligentiæ sacerdotum, ex sancto Gregorio.*
- III. *De honore, cultuque Dei & ecclesiæ.*
- IV. *De suscipienda cura mona-*
- V. *De rapinis compescendis, & pace restituenda.*
- VI. *Admonitio ad regem, & ministros reipublicæ.*
- VII. *De prestanda per pœnitentiem emendatione.*
- VIII. *Ad regem, ut bonos diligat consiliarios.*

PRAEFATIO.

DIVERSARVM prouinciarum episcopi, quorum nomina tenentur subter adscripta, qui ante nequiuiimus, diuersis occupationibus, tam Paganorum infestationibus, quam prauorum Christianorum insectationibus præpediti, nunc anno incarnationis dominicæ DCCCLXXXI. inductione XIV. iv. Nonas Apriles, maxima necessitate compulsi, apud martyrium sanctæ Macræ, in loco qui dicitur Finibus Rhenensis parochiæ, in nomine Christi conuenimus. Ab omnibus, qui iuste & pie in communione catholicæ ecclesiæ, quæ Christi est corpus, viuere volunt,

ea quæ sequuntur , Domino mediante , obseruari decernimus , non noua condentes , sed quæ a maioribus nostris secundum tramitem sanctorum scripturarum statuta , & a Christianis imperatoribus ac regibus promulgata , & usque ad hæc periculosa nostræ infelicitatis tempora fuere seruata , quasi lumina in malignorum operum tenebras , quæ excæcant diffidentia filios , deuocamus : vt falce sancti Spiritus , per diuinum ministerium nostri officii , per que regiæ sollicitudinis potestatem , ac ministros reipublicæ , male pullulantia recidantur , & fructuosa Christianis membris inferantur .

C A P I T V L A .

I.

Gelasius
epist. 10.

HÆC namque sunt sacerdotalis officii , & regii ministerii . quia sicut in sacris legimus literis , duo sunt , quibus principaliter mundus hic regitur , auctoritas sacra pontificum , & regia potestas . Solus enim Dominus noster Iesus Christus vere fieri potuit rex & sacerdos . Post incarnationem vero , & resurrectionem , & ascensionem eius in cælum , nec rex pontificis dignitatem , nec pontifex regiam potestatem sibi usurpare præsumpsit . sic actionibus propriis dignitatibusque ab eo distinctis , vt & Christiani reges pro æterna vita pontificibus indigerent , & pontifices pro temporalium rerum cursu regum dispositionibus vterentur : quatenus spiritalis actio a carnalibus distaret incuribus , & ideo militans Deo minime se negotiis sæcularibus implicaret , ac vicissim non ille rebus diuinis præsidere videretur , qui esset negotiis sæcularibus implicatus . Et tanto est dignitas pontificum maior quam regum , quia reges in culmen regium sacrantur a pontificibus , pontifices autem

a